

ALTISSIMO PROPITIO!
DISSERTATIO POLITICA,
De

ARBITRIS PACIS,

Quam

Ex Approbatione
Ampl. in Inclyto ad Auram Lycéo,
FACULT. PHILOSOPH.

PRÆSIDE

VIRO Admodum Rever. & Amplissimo,
Dn. JOHAN. Münster/

Philos. Praet. & Hist. PROF. Regio,
Publica bonorum censuræ modestè subjicit,
ABRAHAM H. POPPIUS,
Sav. Wiburg.

In Auditorio Maximo,
ipsis Calendis Juliis M. DCC. V.
horis ab 8. matutinis.

Exc. Jo. WAL.

S. R. M. Fidelissimo,
Amplitudine, Nobilitate & Justitiâ ma-
xime inclito,

DN. JOHANNI GABRIELSSON/

Regii judicij Magni ducatus Finlan-
dæ Assessori gravissimo Excellentis-
simoque, Mæcenati & Promotori ut
maximo & propensissimo, ita humi-
li mente colendo.

Plurimum Reverendo & Clarissimo,

DN. HENRICO POPPIO,

Præposito & Pastori Jocasensium me-,
ritis dignissimo accuratissimoque,
Parenti suo quovis filiali obsequio
ad ultimum vitæ Pl. honorando.

Perquam Reverendo Doctissimoque,

DN. ZACHARIÆ SJÖDENSNÖDR/

In Libelij Pastor optime merito, E-
vergetæ & Affini usque suspiciendo.

Reverendo nec

DN. MICHAELI

Sacellano in Åsikala vi-
gvineo æstumatissimo ,
bato.

Prospexitatem & ani

*Admodum Reverendo & Preclarissimo
Domino,*

DN. MARIA GEORGIO HELSINGIO,

Ad Sanct. Michaëlem Pastori longè
meritissimo, Præposito districtus ad-
jacentis Gravissimo, ut Præceptoris
antehac fidelissimo, ita jam Patrono
atque promotori debita animi reve-
rentia ætatem venerando.

Plurimum Reverendo atque Doctissimo,

DN. AXELIO INSULANO,

Pastori in Saccula meritissimo, Fau-
tori & Benefactori quovis officii cul-
tu prosequendo.

Reverendo & Doctissimo,

DN. LAURENTIO BRUNNERO,

Sacellano in Jäckas benè merito, Af-
fini honoratiss. Fautorij indubitato.

non Doctissimo,

E THELENIO,

gilantissimo, ut confan-
ita fautori dudum pro-

ma & Corporis !

Quamprimum de adornanda hac opelle cogitare coepi, Eximie Vestre, Mæcenas, Patroni Fautoresq; Propensissimi, inustatæque in me beneficentiae memor, decrevi eam ipsam Vobis obsequiosa mente offerre; Fateor ingenuè non satis dignam esse, quæ cum Amplissimis Honoratissimisq; Vestriss apparet Nominibus, cum noverim me fabrum minus idoneum huic materiei contigisse. Unde mihi necessitas quædam videbatur injuncta hoc patrocinium tenero fœtui, ipsumq; se non satis commendanti quærendi: tum etiam ut meæ erga Vos observantiae aliquod extaret monumentum. Præstate autem Mæcenas, Patroni Fautoresq; Magni & Honoratissimi, quod patientes solent terræ coloni, qui agrum primos ferentem fructus non despiciunt, rariores licet sint tenuioresq;; Sed illos servant, uberioresq; olim se reportaturos sperantes, diligentiori sub cultura agellum fovent: sic maturiorem quondam ingenii à me exspectabis fœtum, si hunc sparatà complecti benevolentia non fueritis dediti gnati. Meorum interea votorum summa semper erit, ut quam diutissime prosperrimeq; vivatis, hisq; demum defuncti curis somorem consequamini in cœlis æternam, tranquillam ac beatam, quod ex imo pectore vovet!

VESTRARUM AMPLITUDINUM & DIGNITATUM
Humilimus & Officiosissimus cultor
Abrah. Poppius.

*Ad Eximum prestantisimumq; bonarum
literarum studiosum,*

ABRAHAMUM POPPIUM,
Savolaxensem,

*De Conciliatoribus Pacis docte
disputantem,*

GRATULATIO:

*- - Pax optima rerum,
Quas homini novisse datum. Pax una Silius
triumphis, Italie.*

*Innumeris polior: Ejus quippe soboles est proventus omnis generis artium, sapientiae item ac eloquentiae incrementum, imo fastigium, adeoque omnium commodorum quae in vita mortali expetenda sunt conservatrix est ac affectrix. Hanc expetivere, hanc servavere prudenter, quique. Sed tamen si semel amissa & rursum ineunda, consideranda duo esse vult *Justus Lipsius*, ut honesta ea, ut & Simplex sit. Quae quomodo intelligenda ipse ibidem plurim.*

*s. Polit.
19.*

pluribus docet & explicat. Non
potest vero illa honestas ferè &
simplicitas Pacis obtineri, nisi in ea
procuranda adhibeantur mittantur
que ejusmodi viri, qui ei rei sunt

In Not idonei. Conciliatores intelligo Pacis,
ad Ta. quorum opera, (sunt verba J. H Bœ-
Aunc. cleri) validum vel ad sinceritatem vel
10.5.1. ad ejus calumniam. Sunt autem vehe-
menter apti ad emuniendam pacis viam
ii homines, qui modestia vite & civi-
li observantia parti utrique grati, vene-
rantium ritu potius, quam disputanti-
um, aut ex auctoritate mandatove tra-
stantium possunt excipere luctantis ad-
hue secum indignationis impetus, trans-
mittere infesta, mitigare iniquiora, adeo
que specie obsequii paulatim animis con-
tendentium dominari. Quibus ferè ad-
stipulatur Pbil. Cominæus, cum ad Pa-
cificationes velut nundinationes ventum
est, negotium tum committendum esse
Ivadens, non nisi fidelissimis Ministris,
quos inter omnes maximè perfectos ha-
bent Principes, quique integra etate
sint

Lib. I.
C. 9.

sint, ne imbecillitas ipsorum in quicquam
inhonesti consensum eis exteroqueat, neve
redeentes Dominos suos exparefaciant
ultra quam opus est. Sed de his *Con-*
ciliatoribus sive *Arbitris* eorumque
officio, cum Tu *Eximie Dn.* POPPI,
pluribus egisti in tua disputatione,
non aetum agam, aliis alioquin
districtus nunc negotiis. Gratulor
potius Tibi egregiam in dolem, pul-
cherrimos mores, indefessam dili-
gentiam in studiis bonarum lite-
rarum prosequendis urgendiisque,
inque his laudabiles profectus! Gra-
tulor Venerando tuo Patri de tali
filio! Gratulor denique patriæ tuæ
de ejusmodi cive, qui quam pri-
mum ei inserviendæ idoneus erit.
Interea prosperam valetudinem &
felicia quæque adprecor! Scrib. p. p.
Aboæ 10. Junii 1705.

MATTHIAS SWEDER.
Acad. h. t. Recler.

Pacis amans DEUS est : Pacem
te poscimus omnes !

Pace frui blandum : Pace care-
re malum !

Hoc, mi Gnate, probas pennâ, dile-
lecte, politâ.

Pergito sic plures pandere pacis
opes ;

Quò in cœlo tandem , mundana
incommoda linqvens,
Sistarisi coram pacificante
DEO ;

Cælicolasque inter perplena pala-
tia pacis

Possideas. Sospes vive valeque
diu !

Filio opiat Haec Animitus Parens.



I. N. D. J. C!

§. I.

Quanquam justissimi causis bello homines implicari nonnunquam contingat , cum aut vis arcenda , aut vindicanda injuria est ; tamen , postquam horrida aliquamdiu miscuerunt prælia , finemque funestis cladibus vel imponit neces- sitas , vel syadet securitas , nihil quam Pax magis respicitur , cu- jus ut inquit Tullius , *& nomen dul- ce est , res verò ipsa cam jucunda sum salutaris.* Neque enim , si conti- nua moverentur bella , stare hoc , *xiii.* quantum est universum posset ; nam

A

Si

Seneca
Her.

Si aeterna semper odia mortales gerant,
Nec ceptus unquam cedat ex animis
furor,
Sed arma felix tenet, infelix paret;
Nil relinquent bella. Tum vastis ager
Squallebit arvis, subditâ tectis face,
Altus sepultas obruet gentes einis.

Salust.

De
Offic.

8. Polit.

In Sert.

Igitur Prudentes hoc maximo a-
gunt studio, ut tempestivè depo-
natur arma, ut quæ non alio,
quam ad tranquillitatem & tute-
lam dirigenda erant: Sapientes enim
Pacis causa bellum gerunt, & labo-
rem spe otii sustentant. Et Cicero
ita bellum suscipi monet, ut nihil aliud
quam Pax quæsita videatur. Quapro-
pter non sine causa Aristoteli si-
carius & carnifex dictus est,
monstrumque adeò, qui in bel-
lo non quærat Pacem: Et Plu-
tarcho ille verè bellicosus, qui bel-
lo quærat securitatem: belli cupidus
vero, qui primos honores securi-
tati anteponit. Neque enim victo-
ri mi-

ri minus expedit pacem reduci ;
 quam victo ; nam huic quidem id
 necessarium est ; illi gloriosum non
 modo & decorum , ut sciant omnes Lib.
 zalem & suscipere justè bella & finire : xxx.
 sed etiam utile , cum tedium ex
 mora nascatur , & eosdem hostes se-
 pius impugnare , vetet lex Lycurgi ,
 ne repugnare assuetati , ipsi quoque Plut. in
 bellicose evadant : quumque in secundis , Lycur.
 ut recte Livius , nihil in quemquam
 superbe ac violenter consulere deceat , nec Lib.
 presenti credere fortune ; cum quid ve- XLV.
 sper ferat incertum sit , verè illud tan-
 dem victori tutissimum est . Cer-
 tè hominibus per naturam nihil æ-
 què conveniens est , quam sibi in-
 vicem pro viribus prodesse , quos
 proinde vir Sanctus ad pacem se- Rom.
 standam , quantum fieri potest , & quan- 12.v.18:
 tum in illis situm est , piissime inci- Ebr.12.
 tat ; Hæc namque sola rerum O. v.14.
 mniūm optima est , qua etiam illa
 quæ sensu destituuntur , videntur

lætari, que una triumphis etiam in-
numeris præstantior, finem tot cala-
Silius. mitatibus facit. Sed hanc interdis-
xii. ext. sidentes animos post mille utrinque
 illata damna conciliare, res est non
 minimæ artis, nec prudentiæ nisi
 singularis: Cum ut sumere bellum,
 sic idem deponere, non æque sit
 facile. Quæ res cum omni tempo-
 re virorum præstantissimorum ar-
 bitrio permitta sit, non injucun-
 dum mihi visum est, dissertatione
 brevi, quantum per tenuitatem in-
 genii licebit, de ARBITRIS PACIS, si-
 ve de Personis aliorum bellis sece
 interponentibus, Bono Cum DEO!
 exponere; Cujus instituti summam
 me adeptum esse putabo, si Te Be-
 nevole lector, hoc qualecunq; est Ti-
 rocinium, judicem acceperit can-
 didum & benignum.

§. II.

Ut bellum vel lis gravior in-
 ter gentes orta feliciter com-
 ponatur, necesse est, ut nec spo-
 lio-

siorum, nec vindictæ dulcedine in
 transversum actæ, mature de Pace
 cogitent, in cuius reconciliatione
 consideranda veniunt Personæ In-
 tervenientes & Pacis certa requisita.
 Cæterum tractationi Pacis iplos
 interesse Principes; inter quos pax
 conciliatur, plures eaque non le-
 ves dissuadere videntur causæ. Nam
 (α) fieri facile posset, ut præsentia,
 Principes, discordiæ animis altius
 reconditæ commoneat, magisque
 ad refricandum quam sepeliendum
 bellum valeat. Accedit (β) quod
 cum adesse velint, magnis se obji-
 ciant periculis, cum cavere insi-
 dias, rebus nondum tranquillatis,
 non facile sit. (γ) Per sepe etiam
 accidere constat, quod alter Prin-
 cipum, ab altero cum quo pacem
 faciet, longo distet spatio, unde
 non nisi cum ingenti incommodo,
 magnocq; reipublicæ suæ damno i-
 pse adesset, imò id omnino non pos-
 set,

set, si uno eodemque tempore cum
 pluribus paciscedendum foret. (d)
 His adjungitur auctoritatis ratio,
 quæ non permittit, ut ipse quo-
 vis nomine ad exterios proficisca-
 Tacit. I. tur; nam Majestati major ex longin-
 annat: quo reverentia est: hominibusque
 omne ignotum semper pro ma-
 gnifico habetur. Quibus additur
 tandem (e) quod nemo possit suæ
 causæ arbiter esse; non enim fir-
 miter præsumitur, alterum in jure
 alteri distribuendo tantum conces-
 surum, quantum sibi, unde cum
 æqualitas à lege naturali præcepta,
 non ab alterutro horum observa-
 ri possit, videmus ad Pacis con-
 servationem necessarium omnino
 esse, ut ambo dissidentes ope ter-
 tii alicujus, qui Arbitri nomine
 venit, in gratiam restituantur. At-
 que invaluisse hunc morem apud
 antiquissimos, quos inter gesta sunt
 bella, non dubitamus; nam de
 Lib. iv. Gallorum Druidibus Strabo, 87. καὶ

πολέμους διῆλων πρότερον, καὶ παρατίθε-
ται μέλοντας ἐπεινού, οἷς inter
bellantes erant arbitri, ac sapè jam a-
eie congressuros diremerunt. Et Periclem
laudat Aristides, quod, ut bellum vi-
taretur, voluerit δίκην Διολύεσθαι
περὶ τῶν Διαφόρων, de controversiis ar-
bitros sumere. Inter Athenienses
& Megarenses capti etiam Arbitri
leguntur apud Plutarchum quin-
que de Salamine: Critolaidas,
Amompharetus, Hypsilechidas, A-
naxilas & Cleomenes; eodemq
functos fuisse officio sacerdotes
in Iberia testatur Strabo.

Lib. xi.

§. III.

Cæterum ut constet, quid Ar-
biter sit, qui se conciliatorem
bellantibus sistit, notamus in ante-
cessum Arbitros in genere apud
juris Commentatores in tres spe-
cies distingui: In *Arbitros juris*,
Arbitratores, & *Compromissarios*. At-
que illos quidem hic non attendi-
mus,

mus, ut qui in Civitatibus eliguntur, quando evenit, ut pars dicat suspectum judicem, cui causam issa est, ut de suspicione judicent. *Arbitratores* autem & *Compromissarios* quod attinet, tales utrosque censemus, quorum arbitrio pacificationis negotium committi possit. Sive enim extra compromissum, ut communes amici ad controversias ex æquo bonoque dirimendas se interponant, ut adfiant *Arbitratores* seu *Mediatores*; sive elegantur, in quos committitur, ut eorum dicto parentum omnino sit, quales *Compromissarii* appellantur. Utrovis modo *Arbiter sumi* potest, aut ad bellum evitandum, aut ad finiendum. Qvia tamen in libertate naturali, quæ obtinet inter summam potestatem habentes, qui nullius judicio subjiciuntur, post tentatos omnes modos, quibus vitari solet, ne sententiae alternantes in bellum erumpant,

pant, sponte ad Arbitrum itur, in
 quem partes libero pacto consenti-
 unt, ut ejus sententia stare velint;
 sicque Arbitr^e nunquam nisi inter
 volentes controversiam componat:
 Mediator autem, Sanctum quidem
 propositum præ se ferens, bellum
 parantibus aut jam gerentibus s^epè
 etiam fessis sese interponendo ni-
 tendoque, ut lites pacifice loquiantur,
 non tantum ultro se offert, preci-
 busque & rationibus instat & mo-
 net, sed & laetissimè litem pro im-
 perio decidendam sumit, legesque,
 si fortior pars ultra modum debi-
 tum vel satisfactionem, vel vindi-
 ctam exigit, nonnunquam propo-
 nit cum denunciatione, si pacem in
 istas leges abnuerit, contra eum so-
 ciaturum esse arma cum altero, qui
 easdem acceptaverit; Apparet Ar-
 bitratorem seu Mediatorem propriè Ar-
 bitrum non esse, nec arbitrium, quod
 est facultas dicendi inter controverten-
 tes sententia, consensu partium tributa,

ei competere, cum placitum suum offerat, nec eo modo, ut partes stare eodem omnino teneantur, cum nullum pactum super suscipiendo arbitrio initum sit.

§. IV.

Constat igitur ex dictis Commissarium propriè esse Arbitrum, qui, sive ab arbitrando i. e. existimando, sive à rationali consideratione vel discretione, quid ei eligendum quidque recusandum sit, dicatur, est Personæ, in quem dissidentes ad Pacis conservatiōmem vel consecutionem consentiunt, cuius sententia de re controversa staturos esse pacis mutuis se obligant. Postquam **Offic. 2.** enim, juxta illud Ciceronis, proprium esse hominis per disceptationem decertare, nec ante ad vim confugere, quam cum eâ uti negatur, disceptatione partium tentata est via ad pacem, neque per hanc tamen exitum controversia invenire potuit, læpè collisis interim ad rigo.

rigorem animi frangendum utriusq;
armis, proximum est, ut ad Arbit-
rum eatur, qui ita ab illis eligitur,
ut mutuo se obligent pro rata habe-
re sententiam, quam ille pronun-
ciaverit. Quid utique pactum in-
ter partes in primis excare debet;
deinde, quanquam inter litigantes
& Arbitrum nullum quidem pactum
vel compromissum intercedere o-
porteret, cuius vi teneatur in gratiam
alterutrius partis pronunciare, aut
ad id pronunciandum, quod æquum
esse censeat, tamen, quin super sus-
cipiendo arbitrio pactum inter il-
los iniri dici possit, negari non de-
bet; non enim nisi volens quisquam
sit Arbiter, nec is nisi in volentes
arbitrium exercebit. Erit autem
illud pactum purè conceptum, quod
sc: velint partes stare Arbitri judicio,
quod pronunciaverit, nequaquam
verò conditionatum, si iste æquum
illud tulerit. Nam si sub hac con-
ditione initum fuerit, super æqui-

tate sententiæ alteruter partium dubium movere posset, de qua cum cognoscendum foret, ad alium Arbitrum iterum eundum esset; & sic porrò in infinitum. Et hinc est, quod dicitur, standum esse sententia Arbitri, sive æquum sive iniqum pronunciaverit; quanquam & id cum grano salis accipendum esse non sine ratione monet.

Lib. v. Puf: Nam uti ideo, inquit, à compro-

C. xiii. misso resilire non licet, quod contra nos

§. 4. fuerit pronunciatum, ut ut ipsi largius de nostra causa sperabamus; ita tunc sanè arbitri sententia nos non stringet, si manifestè adpareat, ipsum cum altera parte colludere, aut ab eadem donis corruptum, aut pactum in fraudem nostram inivisse. Nam qui apertè ad alteruram sese partem applicat, Arbitri personam gerere amplius nequit.

§. V.

Quemadmodum definitionis est, rem non modo quid sit ostendere,

dere, sed insuper eam ab omnibus
 aliis discernere; pari jam ratione
 ex modo adducta Arbitri definitio-
 ne haud difficilis erit perceptu dif-
 ferentia *Arbitri & Legati*. Quæ ut
 ulterius constet, notamus mitti Le-
 gatum (α) à gente libera, ad aliam
 itidem sui juris, (β) cum solenni-
 tate, (γ) publicæ rei causa, atque
 (δ) cum instructione, quæ ipsi re-
 rum agendarum veluti norma est,
 à qua sine gravi causa discedere
 licitum non est. Arbitrè verò po-
 test etiam à gente non libera esse,
 & mitti nunquam, sed sumi aut
 rogari debet: negotia autem pu-
 blica quanquam tractet, aliena ta-
 men sunt, nec ad suam civitatem
 quidquam spectant; ad determi-
 nandam enim controversiam, ut
 neuter sit ex disceptantibus, venit;
 quod & Philippus Macedo requi- *Plut.*
 rebat, cum in controversia cum *Romp.*
Græcis se arbitrio usurum popu-
 lorum, cum quibus pax utrisque
 fuis-

fuisse, ajebat. Nec vero indiscretum quibuscunque negotiis publicis, sed unicè ad conciliationē partū spectantibus dat operam. Deniq; non indiget instructione ad quam in agendo respiciat; nullius enim, ne quidem ejus qui facultatem arbitrandi sponte obtulit, vel pactum vel promissum eum obligabit, sed statuet quod sibi ex dictamine juris naturalis, vel virtutum, humanitatis puta, charitatis, misericordiæ & similium, visum fuerit. Ex

Puf. L. v. C. xiii. *J. s.* his igitur conditionibus facile apparet distinctio Arbitri pacis & Legati, cui apud Gallos *Ambassadeur* propriè & per excellentiam tali respondet. Pari ratione nihil arbitro pacis cum *Residente* commune est, qui & à Legato differt, partim duratione temporis, partim negotiis, partim honore & sumptibus; Cum hic temporarius, ille quasi perpetuus Legatus sit; hic ob totum

rum Civitatis, ille ob certum quod-
dam illius interesse mittatur; ma-
jori hic pompā, minori ille aken-
dus. Sed & ab illis longe diffe-
runt Arbitri, quos Galli dicunt Envoyés,
sumptuum lucrandorum causa ab
iisdem inventos, qui & ipsi ab Ambas-
siatorū & Residentium natura ali-
quid participant, cum ad imitatio-
nem utrorumque ad alium ablegen-
tur Principem vel Rempubl: Evidens
tandē est discrimen Arbitri à Commissa-
riis & Deputatis, quos nonnulli Legatos
secundarios nuncupant, quarum u-
triq; sine omni ferè solennitate, & il-
li quidem à summa potestate ad
summa minorem, neque raro cum
imperio; hic à summa minori ad
summam, quod in Comitiis contingit,
mittitur. Utricq; autem non semper
publicis, sed frequentissimè priva-
tis negotiis suā operā sunt præsto.

§. VI.

Cum autem per Arbitros, quos
à Legatis, illisque qui horum
quan-

quandam naturam habent, discrepare vidimus, facilis sit via omnem tollendi controversiam, quæ sœvis-simabellæ aut jam peperit, aut mox cum formidine omnium paritura est; tanta illorum est necessitas, ut nisi darentur, major partibus afferti non posset calamitas. Cum enim non eo ingenio omnes sint, ut quæ aliis debentur, ultrò explere velint, quam non raro aut certitudo ac quantitas debiti, taxatio damni dati & exercitium certorum jurium, aut regundi fines, interpretatio pactorum, aliæque prætensiones in controversiam veniant, atque judex inter eos qui summâ rerum potiuntur, non datur, qui illam pro imperio definiere & componere possit, nec alteruter litigantium, licet in libertate naturali vivat, ac penes eum sit jus suum tueri, de suo negotio sententiam ferre potest, quam ratam habeat is, quicum contendit,

dit, cum propter æqualitatem, sta-
tus naturalis comitem, suam senten-
tiā alter non minoris æstimare
queat; necessarium omnino est,
ut assumantur Arbitri, quorum
non interest, alterum quocunque
modo causam obtinere, & qui
proinde æquos se in jure distribu-
endo utriusque parti gerant, nec auc-
gratiæ aut odio locum dent, sed u-
nicè in id incumbant, ut secundum
merita causæ, rem dijudicent: qua-
ratione uni non plus vel minus con-
ceditur, quam alteri, sed quod quis-
que in sua causa observare non po-
test, æqualia æqualibus, id est, pro-
portionalia proportionalibus tribu-
untur, quæ æqualitas ad pacem in-
ter litigantes conciliandam maxi-
mè valet.

§. VII.

Caeterum ipsum jus arbitrandi ex
jure non solum Naturæ sed
& Gentium est, hujusque nempè

C

Togæ.

Togati & quidem *Pacis* constitutivi particula quædam; Non minus enim hoc, arque ipsum jus Gentium proximè à Naturali æquitate suam debet originem consensui Gentium, non quidem formali, & signis externis expresso, sed tacito & interpretativo solum, actu intellectus practici prodito, qui inde emergat, quod ratiocinatione commodorum vel incommodorum vitæ Civilis, gentes utile honestumque judicaverint, in pace & tranquillitate, ut quæ mutuis auxiliis sibi invicem prodesse debent, vivere. Estque hic gens, quæ juris arbitrandi *causa materialis* est, populus propriâ regiminis formâ conspicuus, qui omnibus summi imperii juribus independenter utitur, & cum aliis in idem placitum, ob communem utilitatem consentit. Pro *objecto* autem idem jus pacem habet, ut tempestiva sit, honesta-
actus

que & simplex constituatur, tum actus etiam omnes, qui in eadem exercendo exerceri possunt. Consistit porro *in facultate inter partes bellicantes sua auctoritate intercedendi*, ipsarum causas audiendi dirimendique; quod jus ut rectè exequatur Arbiter, tenetur ex lege naturæ ad pronunciandum id, quod æquum sibi videtur, aliás enim finis Arbitri sumti reddetur irritus. Introductum tandem est jus arbitrandi, ut cessatio fiat à concertatione per vim, & humanæ societatis salus conservetur.

§. VIII.

Vim autem obligandi jus arbitrandi habet non parum ex libera gentium voluntate, quæ ineffabili utilitate necessitateque naturali, qua quisque in conservationem sui incumbit, nititur, ut de reliquis nihil jam dicatur fundamentis, ex quibus tanquam remotioribus hoc jus & inde

nata obligatio inferri possent.
 Quanquam autem hac ratione gentes mutuò obliget, exinde tamen Arbiter in illos se judicio ejus submittentes jurisdictionem non accipit, inter quas sit quasi superior, atque de causis & delictis illorum judicet, sed longè alium in finem à litigantibus constituitur, nempe ut aut conciliator tantum seu Mediator sit, aut ut in ejus prudenti & æquo iudicio, partibus adversis ex pacto acquiescendum sit, sine ulla superiori in eos potestate & dominio; ut planum omnino sit, obligationem hoc jus non habere *coactivam*, quā gentes sub metu pœnæ ad ejus oblervantiam adstringat, sed *directiveam* potius, atque sub metu turpitudinis inter illas valere.

§. IX.

Consideratis sic leviter atque pro ratione instituti, ipsis Personis in
paci-

pacificatione intervenientibus, proximum est, quod restat, requisita
 nempe Pacis, quam procurare debent, paucis persequi. Et quoniam
 dexteritas serviendi temporum momentis, summa inter prudentis de-
 cora est, magna cum utilitate Rei-
 publicæ fiet, si Pax tempestiva sit, nec
 post vires aut fractas aut exhaustas,
 sed sub clypeo, neutra adhuc parte
 victâ, aut abjiciente arma, ineatur; *Orat.*
 nam si pace frui volumus, svadet Tul- *phil.*
 lius bellum gerendum esse, contra, si *vii.*
 bellum omittimus, pace nunquam frui-
 turos pronunciat. Itaque optimè *Lib. I.*
 dixit Cæsar, unum esse tempus de pace *B.Civ.*
 agendi, dum sibi uterque confidit, & pa-
 res ambo videntur. Putantur autem
 pares, non modo qui inter se non-
 dum fecerunt periculum virium; *Curt.*
 sed & qui inter se æquo Marte, & *L.vii.*
 in neutram partem inclinante victo- *C. ix.*
 riâ, pugnarunt; Atque inter tales *27.*
 Pax æquissimis plerumque condi-
 tioni-

tionibus, præstantiori laude & utilitate majori, fieri potest. Et quamquam vel maximè alteri parti spes certior potiundæ esset victoriæ, tempestivè tamen & illi de pace

Lib. L. agendum esse, monet lubrica fortuna, que nusquam minus quam in bello

xxx. sibi consistere solet, nam ut canit Poëta.

C. 30. *Ovid:* *Inter utrosq[ue] volat dubiis victoria pennis.*

Mes. Unde pacem certam, meliorem af-

Lib. lxx firmat *Livius* tutioremque quam

Lib. speratam victoriam; hancque in nostra:

xxx. *illam in Deorum manu esse.* Sed &

C. 30. alia ratione perseverantiam in bello dissuadet eadem fortuna, cum belli artem victos quoque interdum doceat; nam plus impetus, major constan-

Tacit. *tia penes miseros est.* Et quam maxi-

in Agrone mortiferi morsus esse solent morien-

tium bestiarum. Quod nisi prospici-

Flor. tur periculum est, ne humanæ in-

L. II. solentiae pœna in eos recidat, pacem-

C. 15. que contemnentes, ut inquit, Bernhar-

dus, & gloriam appetentes, & pacem &

glori-

gloriam perdant. Proximum est, ut pax sit honesta, quæ tolerabilibus conditionibus finiet bellum, & verè pax sit, non pactio servitutis; In honesta enim, ut *tuta non est*, cum arma quidem ponat, animum tamen adversarii faciet armatum magis: sic *Lid.*
nec diurna, quod Privernas, in sena- *L.viii*
 tu Romano interrogatus, qualem ab iis pacem exspectaret, liberè confessus, fidam dixit & perpetuam fore, si bonam darent: haud diurnam, si matam: nec tandem tolerabilis; quippe Principi labem & ignominiam ad fert, cui

In servitutem eadere de regno grave est,
satiusque mortem obire, quam turpiter frenum mordere, liberos paternis exuere bonis, & omnem Ci-
 vium suorum libertatem perdere. Denique sit *simplex*, i. e. non ambigua, non fallax, non fraudulenta, non insidiosa, sed certa, sincera, absque falso & imposturis; Cum pa-
 ce sibi *Sen.*
Thebo.

Tacit. et suspecta tutius bellum; eaque misera
vel bello bene mutetur. Quapropter
accuratâ opus circumspetione, si
cum hominibus sublestæ fidei agen-
dum sit, quorum pacem reformida-
re potius, quam optare, nisi aut co-
gat necessitas, aut cautio interve-
Veget. niat, prudentes decet. Frequentius
III.C.3. enim conventionum pacisque simulatio
credulæ, quam arma nocuerunt.

§. X

Has de argumento nobilissimo
breviores duxi lineas, non qua-
les dignitas ejus requirit, sed quæ
politiores ob ingenii ruditatem esse
non possunt; quibus ut benignam;
Candide Lector, interpretationem
addas, est quod majorem in mo-
dum rogo & obtestor. Nunc ad
Te, quo Ductore feliciter usus sum,
o Sanctissimum Numen, qui non
Deus es dissensionis, sed Pacis, preces
& calida convertto vota, digneris

1. Cor.
xlv.
v. 33.

CLE.

CLEMENTISSIMO NOSTRO
REGI, piissimis justissimisque ar-
mis contra hostes suos induito, Di-
vina tua ope clementer adeste, ut
de illis felicissime triumphando,
Tuam maximè solius quærat glo-
riam, quæ pacem sanctissimo soda-
litio nobis reducat exoptatissimam!
Venias, precor, O gloriose Pacis
Arbiter, nostramque cogniturus
causam, quod nobis afflictis refri-
gerationi est, ex infinita tua boni-
tate & misericordia statue! Ingre-
dere O mucro Domini, in vaginam tu-
am, & refrigerare & file. Cogita super
nos cogitationes pacis, si non adfli- Ex eo-
ctionis; ut des nobis finem & pati- dem.
entiam, & invocabimus Te &
vivemus. 29.II.12

SOLI DEO GLORIA.

Praestantissime Domine

ABRAHAME POPPI
Frater optime dilectissimeq;

Significabas mihi eruditis literis cuius nuper-
time, te inter alios inclutæ Academiz A-
boënsis eximias cives.

- - - - *Arcades omnes*

Canticum parvum & respondere paratos
cathedram propediem consenserunt, & partæ
creberrimis vigiliis sudoribusq; eruditionis, edi-
turum specimen. Quod vero inter has, non
jam minantis, sed tonantis Bellonæ, nescio
quam non calamitosissimo isthoc tempore, gen-
tem adfligentis, & tot in flore Camillo, nun-
quam satis deplorando catu enecantis furias,
Pacem cogites & Pacis Arbitros: non possum
sane non magnopere mirari. Quid? an cum
Saxo-Sarmata, cum Anglus, cum Francus,
cum Hispanus, cum Germanus Belgæq;, & ut
verbo rem exprimam, Europa omnis arma vi-
rumq; canat, nihil nisi arietes, balistas, cata-
pulta loquatur, tu dulcia, solus, amoenissimus
Pacis meditabere ocia, nescio quod tibi inter mil-
le mala tranquillitatis Formaturus instet? Sed
macte tamen his Ausis Pereximie Domine!
Diu jam *Pacis* nullo non triumpho tropæoq;
potioris caremus commodis, ut nemo facile

Treg

Tros Rutulusque fuit reperiatur, qui non post
nubila Phœbum, & solempne istud: Deus nobis
hæc ocia fecit; ingeminare discupiat. Adeo
igitur tuis *Pacis* nunc *Arbitria* comminiscen-
tis, quamlibet inter dira duri Martis tela co-
gitationibus non intercedimus, ut *Pacis* stu-
dioso dignas labris lactucas invidisse, succum
nigræ lolliginis, ut ille ait, *& aeruginem meram*
arbitremur. Reducat Deus Opt: Max: Gloriosissimum
Regem Nostrum quantocius ad nos,
ad hucdum in hostico inter medios acinaces
constitutum, Heroa, quo nondum majorem
vidit orbis! ô jam tandem *Halcyonia* nobis
procurentur, & quæ amissimus oppida, rapaci-
bus Russorum extorqueantur manibus! Tu ve-
ro Ingeniosissime Juvenis, i quo tua te virtus
ille amoenus arcanae gratiae genius, solida illa
& haudquaquam capitecensa eruditio vocat; i
inquam, & Optimo Patti Joekensum Præpo-
sito Amplissimo simillimus, post absoluta olim
studia Academica in dulci patria, in alta *Pace*,
non moriturum nomini tuo fœnerabere deo-
cus. En tibi brevi, Mercuriali caduceo vade
prædeque mistam olea lauream, quam ad au-
ram Musæ plexam capiti tuo aptabunt, ad o-
mnium læta vota cum olea & lauro reversuri
domum. Vale! Scribeb. Upsaliæ ipfis Nonis
Juniiis c. 10. cc. v.

Frater tuus nunquam reconciliatus
SAM: RISTELIUS.

VIRO-JUVENI
Peregrinio atque Doctissimo
DN. ABRAHAMO POPPIO
Fautori ac Affini honoratissimo, erudi-
tam de ARBITRIS PACIS dissertatio-
nem masculè defendenti.

Martia Mavortes tractant in turbine belli,
Hostis cum patrios diripit ense lares.
Sint procul arma, aliud, POPPI, meditare duellū,
Ingenii mitis viribus, artis ope,
Cum doctè pingis, qualis fuit ARBITER elim.
PACIS quā bāud quidquam, dulcius, orbis
habet.

Dulce quidem in pulcris spaciari Palladis
hortis,
Artibus atque animos expoliisse rudes.
Dulcius at multo, PACIS venerabile nomen:
Ut nobis monstrat pagina docta Tua.
Hinc Tibi pro meritis gratentur carmine
Muse,
Et Te Victorem, Pacificumq; vocens
In amicitiæ pignus hæc.
pauca reliquit.

PETRUS König
Nyland.

Rv. Diss.

Viro Juveni non minus morum elegancia quam
doctrina laude valde conspicue,

DN ABRAHAMO POPPIO,
Dissertationis hujus Auctori egregio,
Affini perpetim colendo:

Carmina que meruit, tua dissertatione do-
cta,

Quomodo nunc referam? cum mea mu-
sa nequit.

Non etenim labiis gustavi Aganippidis uo-
das,

Laudes ut possim, magnificare tuas
Quas labor assiduus vigilare ad lumina no-
ctis,

Ti peperit. Viderbas qui tua scripta
legit.

Gratulor ingenium Tibi quondam candida
Virtus,

Qua meruisse studes, premia leta feret.
Perge igitur, tua te quorsum fortuna vocabit
Ut possint Musa laurea serra dare.

Sic officiose gratulabundus adposuit,

ERICUS JOH. BROTTERUS.
Wiburg.

